

Powšitkowne WOZJEWJENJA

njedźelu, 13. septembra 2026

Nabožne wusyłanja w serbskim rozhłosu

Katolske nabožne wusyłanje w Serbskim rozhłosu MDR ma tutu njedźelu, 13. septembra, Ralbičanski wosadny farar, kanonik Šćěpan Delan. Wotkaz na nabožne wusyłanje w mediatece MDR je pod www.posol.de podaty, zdobom chowa so za QR-codom.



Swójbne popołdnjo TCM we Wotrowje

Sekcija Swójba Towarstwa Cyrila a Metoda z.t. přeprošuje swójby na zabawne popołdnjo, kotraž wotměje so njedźelu, 13. septembra, we Wotrowje. Spočatk budže w 15.00 hodž. při Starej šuli. Po wodženju su wšitcy na swačinu na farje prošeni.

Předstaja oratorij „Wulkotna woda“

Nowy oratorij z titulom „Wulkotna woda“ předstaja chór a rejowanska skupina 1. serbskeje kulturneje brigady, Serbska komorna filharmonija a dalši tutu njedźelu, 13. septembra, w 17.00 hodž. w Budyskej měšćanskej hali „Króna“. Cyłkowny hudźbny nawod změje Judith Kubicec. Link k zastupnym lisćikam je pod www.posol.de podaty. Dalše předstajenje budže njedźelu, 27. septembra, 17.00 hodž. w awli Liberecskeje university w sewjernej Čěskej.

Redakciju Katolskeho Posoła sej wobhladać

Serbski dom wobdźěli so na Dnju wotewrjeneho pomnika njedźelu, 13. septembra, w kotrymž je tež redakcija Katolskeho Posoła zaměštnjena. Wšitcy zajimcy móža sej wot 10.00 do 17.00 hodž. dom bliže wobhladać a mjez druhim rumnosći Katolskeho Posoła wopytać. Wšitcy su wutrobnje witani.

Patronatna Boža mša w Chrósćicach

Wobydlerjo a přistajeni Domu swjateje Ludmile w Chrósćicach změja srjedu, 16. septembra, swój patronatny swjedženj. Patronatna Boža mša budže w 10.00 hodž. we wosadneje cyrkwi. Wšitcy wěriwi su wutrobnje přeprošeni.

Nasćěnowy kalender w srjedźišću

„Protykowe wobrazy. Protyka ‚Moja Łužica‘ jako přikład serbskeje sebjestereotypije“ rěka hesło přednoška srjedu, 16. septembra, w 15.00 hodž. w Budyskim Serbskim muzeju. Referent budže dr. Robert Lorenc. Zarjadowanje je dźěl rjadu „Sorabistika po puću“ Budyskeho Serbskeho instituta.

„Serbskej nocy“ w Budyšinje

Swój program lětušeho Smochčanskeho hudźbneho swjedženja předstaji Budyski Serbski ludowy ansambl (SLA) hišće raz, a to sobotu, 19. septembra, w 19.30 hodž. kaž tež njedźelu, 20. septembra, w 17.00 hodž. na žurli SLA. Zastupny lisćik móža sej zajimcy online kupić. Link je pod www.posol.de podaty.

Poswjećenje noweho „Radlubina“

W Ralbicach je nowa wosadnica „Radlubin“ po jednym lěće nimale dotwarjena. Termin poswjećenja je domchowanku, njedźelu, 27. septembra, po dopołdňišich kemšach, kotrež so we 8.30 hodź. započnu.

Nyšpor z požohnowanjom konjacych zapřahow

Sekcija wěda a skutk Towarstwa Cyrila a Metoda z.t. přeprošuje wšitkich wěriwych zaso na wosebity nyšpor domchowanki z požohnowanjom konjacych zapřahow. Tón budže njedźelu, 27. septembra, w 14.00 hodź. na luce při Hatkach w Chrósćicach.

Koncert w klósterskej cyrkwi

Koncert pod titulom „Pod hwězdnišćom“ wuhotuje chór ewangelskeje wosady Emmaus z Wilicha nad Delnim Rynom sobotu, 26. septembra, we 18.00 hodź. w klóštrje Marijinej hwězdze w Pančicach-Kukowje. Zaklinča twórby Albrechta Haafa z „Kantate Camiono de Santiago“ a Bobbija Fischera z „Missa Latina, Magnificat“. Zastup je darmotny, kolekta je za klóšter postajena.

Projektowy dzeń za džěci

Worklečanske dekanatne dušepastyrstwo za džěci přeprošuje wšitkich šulerjow wot 1. do 6. lětnika ze serbskich wosadow na zhromadny dzeń pod hesłom „Stark-Mach-Tag“. Tam tematizuja na jednore wašnje wšědne situacije džěci – wot překroćenja hranicow hač k seksualizowanej namocy –, kotrež bychu džěci dožiwić móhli. Zahradowanje ze stajnje samsnym wobsahom za džěci budže sobotu, 10. oktobra, w Njebjelčicach, wutoru, 13. oktobra, w Ralbicach a srjedu, 14. oktobra, w Radworju. Zhromadny dzeń zahaji so stajnje we 8.45 hodź. a skónči so w 15.00 hodź. Wobdźělenje w druhej město domjacej wosadze je móžne. Za wudawki dnja zběraja sydom eurow. Ličba městnow je wobmjezowana. Přizjewjenja přijimuju hač do pjatka, 18. septembra, online. Link za to je pod www.posol.de wozjewjeny.



Prěnjowoprawjenske džěci přeprošene

Wšitke džěci, kotrež so na přenje swjate woprawjenje přihotuja, su na zhromadny dzeń do Njebjelčic přeprošene. Tón budže srjedu, 18. nowembra, wot 9.00 do 15.00 hodź. Započatk je z Božej mšu w cyrkwi, na kotruž su tež starši wutrobnje přeprošeni. Zajimcy njech so hač do soboty, 24. oktobra, pod www.posol.de přizjewja. Swójski přinošk na wobdźělnika wučinja sydom eurow.



Ministrantska kopańca

Koparski turněr ministrantow ze serbskich wosadow, kotrychž bu horcoty dla w lěcu wotprajeny, narunaja sobotu, 17. oktobra, w Pěskecach. Započatk je w 9.00 hodź. z Božej mšu we wjesnej kapałce. Mustwa měli so w svojich wosadach přizjewić.

Putnikowanje křižerjow do Roma

Serbscy křižerjo, kotřiž chcedža so klětu na putnikowanju wot soboty do soboty, 1. do 8. meje, wobdźělić, móža so na internetowej stronje www.posol.de hač do srjedy, 30. septembra, přizjewić. Tam su nadrobne informacije podate. Zdobom je kruh móžnych wobdźělnikow powjetšeny a doba přizjewjenja podlěšena.